

景泰

天順

皇華集
一

皇華集

皇華集總目

卷之一

景泰元年庚午頒

登極詔使

卷之二

天順元年丁丑頒

復位詔使一

卷之三

天順元年丁丑頒

復位詔使二

卷之四

天順三年巳卯頒

勅諭使

卷之五

天順四年庚辰頒 勅諭使

卷之六

天順八年甲申頒 登極詔使一

卷之七

天順八年甲申頒 登極詔使二

卷之八

成化十二年丙申頒冊立 皇太子詔使一

卷之九

成化十二年丙申頒冊立 皇太子詔使二

卷之十

弘治元年戊申頒勅諭使一

卷之十一

弘治元年戊申頒勅諭使二

卷之十二

弘治元年戊申頒勅諭使三

卷之十三

弘治五年壬子頒冊立皇太子詔使

正德元年丙寅頒登極詔使

卷之十四

正德十六年辛巳頒登極詔使一

卷之十五

正德十六年辛巳頒

登極詔使二

卷之十六

正德十六年辛巳頒

登極詔使三

卷之十七

正德十六年辛巳頒

登極詔使續

卷之十八

嘉靖十六年丁酉頒

皇太子誕生詔使一

卷之十九

嘉靖十六年丁酉頒

皇太子誕生詔使二

卷之二十

嘉靖十六年丁酉頒

皇太子誕生詔使三

卷之二十一

嘉靖十六年丁酉頒

皇太子誕生詔使四

卷之二十二

嘉靖十六年丁酉頒

皇太子誕生詔使五

卷之二十三

嘉靖十八年己亥頒冊立

皇太子恭上 皇天上

帝泰號二詔使一

卷之二十四

嘉靖十八年己亥頒冊立 皇太子恭上 皇天上
帝泰號二詔使二

卷之二十五

嘉靖十八年己亥頒冊立 皇太子恭上 皇天上
帝泰號二詔使三

卷之二十六

嘉靖十八年己亥頒冊立 皇太子恭上 皇天上
帝泰號二詔使四

卷之二十七

嘉靖十八年己亥頒冊立 皇太子恭上 皇天上

帝泰號二詔使五

卷之二十八

嘉靖二十四年乙巳

賜謚使

卷之二十九

嘉靖二十五年丙午

賜謚使

卷之三十

隆慶元年丁卯頒

登極詔使

卷之三十一

隆慶二年戊辰 賜謚使

卷之三十二

隆慶二年戊辰頒冊立 皇太子詔使

卷之三十三

萬曆元年癸酉頒 登極詔使一

卷之三十四

萬曆元年癸酉頒 登極詔使二

卷之三十五

萬曆十年壬午頒 皇太子誕生詔使一

卷之三十六

萬曆十年壬午頒 皇太子誕生詔使二

卷之三十七

萬曆三十年壬寅頒冊立 皇太子詔使

卷之三十八

萬曆三十四年丙午頒 皇大孫誕生詔使一

卷之三十九

萬曆三十四年丙午頒 皇大孫誕生詔使二

卷之四十

萬曆三十四年丙午頒 皇大孫誕生詔使三

卷之四十一

萬曆三十四年丙午頒 皇大孫誕生詔使四

卷之四十二

萬曆三十四年丙午頒

皇大孫誕生詔使五

卷之四十三

萬曆三十七年巳酉

賜謚使

卷之四十四

天啓六年丙寅頒

皇太子誕生詔使一

卷之四十五

天啓六年丙寅頒

皇太子誕生詔使二

卷之四十六

天啓六年丙寅頒

皇太子誕生詔使三

卷之四十七

天啓六年丙寅頒

皇太子誕生詔使四

卷之四十八

崇禎六年癸酉奉安島衆聯屬國勅使一

卷之四十九

崇禎六年癸酉奉安島衆聯屬國勅使二

卷之五十

崇禎六年癸酉奉安島衆聯屬國勅使三

皇華集

皇華集總目

卷之四十八
皇華集總目

皇華集卷之一編目

景泰元年庚午頒 登極詔使

正翰林院侍講倪 謙

副刑科給事中司馬恂

遠接使工曹判書鄭麟趾

皇華集

一

五言古詩

五言律詩

五言絕句

五言排律

五言雜詩

御製序

嗚呼詩經匪風下泉何爲而作也皇華集皇皇者華之義也予少時雖見豈料各編之若是浩多耶今於暮年欲爲編輯惟於第一卷其文雖備其序遺焉此事在乎初未遑而然矣然今於編輯豈無其弁略記其槩書於編首文何多爲惟在其誠此正下泉章四國有王郇伯勞之之意也夫歲

皇朝崇禎紀元後三癸巳夏六月庚子日灑涕以題

一、師陳天華三發已夏六月數千日盛氣

一、學問之有文辭者，非以飾其言也，
 而以明其道也。故君子必先慎乎德，
 而後從之。德薄而位尊，知小而謀大，
 力小而任重，鮮不及矣。自天子以下，
 至於士，無所不尊卑貴賤，各有所歸。
 德者本也，財者末也。外本而內末，
 鮮及矣。外方內圓，鮮及矣。

皇華集卷之一

雪霽登樓賦

余與黃門司馬先生奉使朝鮮駐節大平館
館後有樓可眺時景泰初元後正月七日晨
鋪散步積雪始霽先生偕余而登焉縱目之
餘遂召管城子用紀一時之勝雖不敢廁上
林之子虛亦不可方南樓之放逸也昔南國
諸侯被文王之化其仁民之餘恩有以及於
庶類詩人賦騶虞以美之余於此必歸恩於
朝廷者廼詩人之遺意也覽者尚以是求之

賦曰

維聖皇之御極頒正朔於八荒睠東藩之有國限
衣帶以相望羌盡忠而盡禮時來享而來王宜優異
以加賚錫九重之詔章爰命詞臣皇華遣行廼渡
馬訾載經樂浪泛星槎於滄海弭使節於華陽謹宣
昭乎帝命暫假憇於公堂有樓歸然規制翼翼畫
棟翬飛彫欄矢棘納夜月於璇題灑春雲於赭壁透
鮮飈而不礙疊層霄而獨立信黃鶴之可招想翠微
之堪挹暢浩懷之舒瀉掬洪濤而浣滌茲當三春初
孟六雪始晴屏翳開顏羲和耀精於是司馬先生拉

余躡重階攀兩楹倚曲檻臨危甍覽冰壺於天地望
瓊島於蓬瀛壯三韓之偉觀豁萬古之幽情廼若近
接几席則蒼髯怒張老鱗皴剥儼玉虬之競飛訝驪
珠之闔攬遠環戶闥則粉雘參差琪琳錯落瑩萬瓦
之積素皎千門之凝堊以言乎山也則北岳後聳宮
殿增輝南峰前峙城郭四圍峻壁蜿蜒以西驀連嶂
迤邐而東馳以言乎水也則閔川縈繞銀虹下垂漢
江蕩潏渤解攸歸寧長養於魚鼈允流潤於町畦彼
其五監六寺庶府諸司鼓鍾麗譙爭高騁奇紛雞犬
之相聞驗政教之所施慨吟賞之未旣不知身之居

於九夷也先生顧余而笑曰子解斯景之可賞當求
斯雪之所自亶豐年之休徵由上天之明賜於維
聖皇德合乾坤以和召和淑氣氤氲致雨暘之時若
廣率育於蒸民溥靈霽於宇內溢餘波於海濱廼箕
封之蕃庶孰匪我皇之渥恩也余聞之廼擊節而
爲之歌曰層構之崇兮結製之精褰裳往登兮極目
瑤瓊餘澤漸被兮自帝京熙熙樂土兮民物阜成
稱藩東服兮席大平千秋萬春兮固屏翰於皇明
賜進士及第翰林院侍講正使錢唐倪謙纂

次韻

申叔舟

新天子卽位覃恩內外於是翰林先生
奉詔至獎邦景泰初元後正月丙午也
越六日壬子登賓館之後樓屬春雪之乍
晴俯仰抒懷廼援筆賦之筆勢縱橫氣象
磅礴出入乎三閭凌轢乎兩都真罕世之
傑作也叔舟鉛槧末技幸奉杖屨得奔走
於下風挹清論之餘緒而傳聞於未聞之
口者蓋亦多矣不揆孤陋敢踵二蘇和歸
來之辭掇拾荒蕪強續高韻非敢爲賦聊
表景仰不能自己之意云爾賦曰

翰林先生學究天人胸吞四荒冰霜雅操圭璋令
望卻紛華而味道斥偏霸而談王承新命於九
重歷薊遼以周章至下國而駐節今拜後塵於趨
走之行曰或清而或濁今顧將不遺於滄浪接談
笑之芬芳今謦有脚之春陽坐深井而觀天今敢
求門而窺堂日陪侍乎游衍今瞻盛儀之趨翼發
言而成章今剖美玉於垂棘登高樓以作賦今分
餘光於東壁方騁奇而湊怪今盲風颯其海立及
隱約以鈎微今羌冲澹之可挹飄餘思於天外搜
幽腸而蕩滌鑿混沌之元竅今忽雰翳之朗晴初

緯繡其闔角今卒同歸於玄精維變化之叵測兮
實騷家之棟楹方其嘯詠徙倚俯臨朱薨與太化
以逶迤發遐想於蓬瀛值滕陸之效技兮溘乘興
兮攄情揮瓊管以紀勝兮討玄機於落剝媚巧態
之嬋娟憑怒虬之呀攫畜氣象於沆瀣兮收大用
於濩落心與手其相應兮運郢斤而盡聖扈江蘺
以紉蘭兮集芳芬以流輝覃余懷之冥搜兮俄再
撫於九圍學海汪洋而莫之涯兮獵古今而交馳
託雅意於華作名萬古今昭垂般景仰乎高山兮
微先生吾誰與歸傾余蓋其若舊兮絕中心之町

畦飲醇醪不覺醉兮遺耳目之所司粵余慕金陵
之識難兮就子雲而問奇固陋質之難化兮效捧
心於東施顧微末之不自量兮庶榛蕪之芟夷滌
餘派而上之求厥源之奚自益見其所未見兮亦
夫子之所賜安得紐弄闔闢揣摩乾坤存至道於
目擊通妙契於氤氲辨魚魯而復正閔魯贖於吾
民使出日之域東海之濱同文一軌而永固我
聖天子之鴻恩也亂曰文章之富博而精兮擲地
金聲佩琚瓊兮維山維斗莫之京兮駕楚馳漢而
大成兮手抉天章文昇斗兮爝火日出難爲明兮

謁文廟

倪謙

余奉使至朝鮮之三日因與司馬先生同赴
成均館拜謁先聖升堂觀禮喜而有作雖不
足以言詩聊識歲月云爾輒用錄似同行工
曹鄭相公京尹金相公禮曹李相公均電覽
焉

曉向成均謁廟堂杏壇弘敞碧山陽八條教典懷箕
子萬世儒宗仰素王濟濟衣冠忻在坐青青衿佩喜
成行文風豈特覃東海聖化于今遍八荒

次韻

鄭麟趾

謁聖還從入講堂周旋笑語似春陽風雲氣槩凌
霄漢黼黻文章佐帝王老杜詩情已得妙蘭亭筆
法更分行陪遊此日真天幸慚愧吾材拙且荒

復賡前韻以呈一晒

陪侍皇華在一堂燕山影接漢之陽清談疊疊論
經史邃學源源討霸王珠玉隨吟題滿紙龍蛇繞
筆墨翻行緬懷歸院金蓮燭得見奇才到外荒

重承傑作復倚韻奉酬草率勿晒倪謙

壯年風度氣堂堂一片葵心喜向陽筆法總能師二
米詩名應好繼三王平生腹內詩千卷此夕燈前字

幾行海表似君誠可美始知文化被遐荒

復次聊冀破寂

鄭麟趾

聖神天子坐明堂星使聯翩到華陽風裁絕倫今
馬范文章獨步卽歐王歡欣相悅酒三酌醕唱傳
心字數行孤陋願從承教誨皇華胸次已包荒

昨晚卽席強賡佳作又承珠玉見投足領盛德
不可無言以答故綴此

倪謙

連承陪席在華堂春暖偏忻日載陽知禮昔聞吳季
札能詩今見駱賓王彩毫累牘驚鸞翥盛服駢肩喜
鴈行天地生材同一氣孰論畿甸與要荒

疊謝珠玉之惠敬賦此以酬幸勿哂言辭之覲
陋也卽日謙再奉冬卿良相執事

鳳詔親擎出廟堂使輶遙駐漢之陽
聖明繼統當臨御正朔弘頒屬紀王
方感綺筵陪盛禮累煩佳句示周行
褒踰華袞吾何敢却美雄材接大荒

復奉坐上口號二篇謹賡以呈伏希教誨

鄭麟趾

客館翻疑是玉堂高談不覺到斜陽
新皇霈澤霑羣物外國輸誠奉一王
帷幄近臣辭鳳闕絲綸學士別鵷行
東漸聲教超前古共覩文星照僻荒

日昨觀內翰倪先生所著詩二章詞氣淳厚筆
力超邁真絕唱也復覩工曹鄭公次韻詩亦一
時之傑作也余蕪陋無文強攀嚴韻奉和一章
所謂珠玉在側覺我形穢矣錄似工曹鄭公京
尹金公可發一喙

司馬恂

之君問學久升堂襟度陰中復有陽舊識詩名齊李
杜始知筆法繼鍾王閒來究理心千古靜處觀書目
九行最喜陽春新製曲謦予欲和愧詞荒

晨興盥櫛因思前韻復成一律更得五字詩一
章併用錄出聊抒旅况仍希屬和乃幸正閏初

五稿奉冬曹鄭相國閣下

倪謙

粲粲清思照廣堂
喈喈鳴鳳在朝陽
龍光射斗歸雷
煥萍實浮江訖
楚王應向天人深
究理肯從章句事
尋行明珠投我元
非暗莫笑迂疎學
圃荒

其二

初元後正月海國停征騷
喜逢冬曹彥疊疊向我談
殷勤究經史辨析將冥探
媿非行秘書何以示指南
胸中富珠玉筆底生煙嵐
每味雋永句齒頰回餘甘
復此重追陪日接常過三
情深意逾厚千尺桃花潭
人生兩儀間並立常與叅
篤近在舉遠一視 皇恩

覃

復用前韻戲成口號

司馬恂

綺筵晨夕宴高堂賓主相歡盜若陽鸚鵡吟時詩裏
聖叵羅行處酒中王論談疊疊成三益冠帶彬彬列
幾行愧我疎庸沾席末心胸茅塞頓開荒

次韻

鄭麟趾

使華自天來駕鶴仍鸞驂一顧便開顏衮衮聞清
談上挾雲漢分下入驪珠探霜蹄汗血種風翮鵬
圖南詎容生鄙吝快哉披雲嵐交際淡若水肯效
多言甘世間夸毗子利盡德二三絲竹無聒耳詠

罷龍吟潭莫樂新相知自喜長常叅高明與其進
穆木葛之覃

成三問

夫子騁文詞輕車駕劇驂撐腸千萬卷四坐應無
談玄哉天地窟何深而不探所目不負耳名固擅
斗南海山千里邦日夕多瘴嵐跋涉豈不勞靡盬
心所甘數日杖屨下益者非止三政如撓不濁汪
汪萬頃潭不有假星槎下風安容叅幸爾一文軌

聲教漸以覃

右呈
正使

聯璧辭雙闕扶桑繫兩驂詩書手裏卷堯舜口中

談武向天衢布身經月窟探羣空過冀北專對誦
周南海晏息驚浪山高多翠嵐吟哦囊盡拾咀嚼
蔗非甘風俗箕疇九咨詢仙島三公歸瞻穆穆衆
擬入潭潭捧腹啣羞耻知心許謁叅流光看涑水

德澤至今覃

右呈
副使

申叔舟

文星降九天聳觀遮華驂賓館饒燕閒有時騁雄
談尚論及千古若就囊中探贈我數篇詩高價雙
金南態度藹春雲俊逸飛輕嵐傾心慕博雅執鞭
吾所甘意到督電掣立就思無三筆下龍蛇走彩

幅掃寒潭郢中與白雪調古誰能叅不量欲一和

空費情思覃

右呈
正使

顧余復何幸廼得攀高驂和容賜顏色側足聆清
談明月迸瑩潔驪龍領下探登樓一容與歸興江
之南沉吟頻徙倚雙袖襲寒嵐倘許一染指得味
道腴甘山斗世所仰達德人推三胸襟絕點塵思
藻凝秋潭擬欲拾珠翠陪從數日叅持螺測巨海

詎敢窺研覃

右呈
副使

謝前日惠刀子

倪謙

玉匣出名刀金環繫綵條製經歐冶手瑩徹鷗鷯膏

礪處臨秋壑揮時瀉雪濤文房倍增重應不數豪曹
適蒙泛翁謹甫子厚三君子惠以寶刀不勝感
佩口號諭之

司馬恂

寶刀能惠我此日荷君情炯炯千金直嗟嗟百鍊精
青萍那比美巨闕浪傳名捉兔裁新句聊將代報瓊

次韻

成三問

有秘愧鉛刀腰間儻繫條橫經側函丈繼晷欲焚
膏筆掃千縑雪詞懸三峽濤時名百代上老杜與

爲曹

右呈
正使

涑水先賢後飄然不世情澗毛聊薦信魯縞愧非

精鳳口初傳

詔龍頭舊識名擊蒙方自幸佳作

况琚瓊

右呈副使

申叔舟

詞峻發硎刀秋鷹初解條清談霏玉屑和氣潤蘭膏
落落儒林幹汪汪學海濤管窺真小見陪侍愧

吾曹

右呈正使

霄漢承

明詔東人荷

聖情文章窺博雅學問

扣深精山斗三韓望箕裘千載名一朝傳萬口咳

唾落瑤瓊

右呈副使

昨承佳惠聊以小詩奉酬不意又勞清思今特

倚韻爲答望勿哂也謙再奉泛翁謹甫二知院
賢契

琕琕惠容刀仍懸五色條多君才韞玉媿我德屯膏
麗句追高適華牋邁薛濤海邦驚見此英俊豈凡曹
迭前佳作復用韻答兼柬冬卿聊博一解頤耳
謙再奉泛翁謹甫二知院賢契

氣大若牛刀情舒似解條飛黃多逸步炙轂有餘膏
身沐天池雨詞翻學海濤新詩頻枉贈復感鄭冬曹

次韻

成三問

妬春風利刀凌雪柳黃條旅館寒將暖新詩梁與

膏窺天持小管測海物驚濤久矣慕鄒魯莫言非
我曹

申叔舟

遊刃操良刀詩成紫錦條清新饒變態富艷足殘
膏汲古看脩綆傾懷瀉駭濤高名傳海外仙籍記
天曹

鄭麟趾

禮謹匪泉刀誠深寓線條設筵無管籥調膳乏馨
膏春動涓涓色杯搖細細濤須知寸心赤異日記
工曹

昨承佳章足認雅意復次前韻非可言詩聊爲
捧腹之資也呵呵泛翁謹甫二知院賢契

司馬恂

海東雙美士傾盖見深情飽學詞源濶能書筆意精
擬登台府貴曾擅甲科名舉止多儀度清溫類玖瓊
其二

玉樹照人明昂昂豈世情窮經探隱蹟究理造玄精
學海多成績詞林久著名清新詩句好字字是瑤瓊

次韻

成三問

承綸至下國深荷惜人情萬丈文生歆三冬學到

精邊人敢生事走卒共知名每奉兼金贈慚無報
以瓊

申叔舟

庭前春雪明清興付餘情天意豈無謂物華空有
精才高天下彥詩擅斗南名數日承珍什盈懷琬
與瓊

日昨感君以盆梅置我客窻慰我寂寥遂成小
詩四首用答雅意涑水司馬恂稿奉金相公京
尹文几

元陽消息透南枝吐出冰花朶朶奇一段生生真意

味箇中還復許誰知

其二

生來獨孕乾坤秀玉骨稜稜不怕寒一點已含調鼎
味等閒莫作野花看

其三

小小寒芳白玉姿三花五葉更稀奇高標雅操誰堪
並喜有清風竹一枝

盆中間以
綿竹故云

其四

最愛芳馨綠萼梅裁冰剪雪冒寒開感君置我軒窗
下明月春風侑酒杯

春風玉樹別我於江南今十稔矣茲寓使館好事者忽以一盆見遺清興爲之灑然因成小詩一章錄似看花諸君子

倪謙

不見老梅今十年相逢忽喜在朝鮮魂飛月窟冰花冷根托瑤臺綠萼妍暗引寒香通鼻觀平分春色到窻前此君况復清如許興繞西湖雪後天

次韻

鄭麟趾

盆梅吐白覺新年不向羣芳妬色鮮命相喜從殷室味靚粧羞伴晉宮妍月來疎影分深淺風動清香繞後前賓館寂寥無箇事凌晨坐待日昇天

登漢江樓卽席偶成

倪謙

百尺高樓俯漢濱等閒來眺足怡神
青山影侵芙蓉翠玉甕香浮琥珀
春日暖扁舟輕泛泛風微新水細
粼粼海門近接銀潢泓擬欲乘槎一問津

其二

漢上層樓聳碧穹登臨無盡思無窮
已忻疊嶂環簷外更喜鮮鱗入網中
倚檻不禁詩興發當筵莫放酒杯空
塵煩滌蕩襟懷爽破浪將乘萬里風

其三

聞說城南景最幽漢江江上有高樓
遠勞列相閑華

皇華集

宴近瞰閒漁棹小舟萬疊峰巒爭拱揖幾雙鷗鵲自
沉浮敢同赤壁傳辭賦聊把新詩紀勝遊

漢江春泛

纔登傑構縱奇觀又櫂樓船泛碧湍錦纜徐牽綠翠
壁玉壺頻送隔雕闌江山千古不改色賓主一時能
盡歡遙想月明人去後白鷗飛占鏡光寒

向承吳鈞之惠足感盛德茲又蒙貺以麟香之
劑鼠毫之管甕繭之牋殊深銘刻因成近體一
章敬致謝忱云爾泛翁謹甫二位賢知院

早惠并刀淬礪新又承佳貺見情親麟膏擣劑和玄

壁鼠尾分毫託紫筠林下野蠶紛破繭窻前晴雪亂
堆銀歸朝定覓陶泓子鳳閣摘辭倍有神

適承妙染見惠得之不翅拱璧媿無報玖強吟
俚語一章奉酬嘉貺安平君文席

梅軒運腕掃霜毫妙奪鍾王筆法高起鳳騰蛟翻翠
墨落花飛絮點春濤應誇鄭老兼三絕肯効平原擅
四豪海外歸裝盡珠玉却嗤博望得葡萄

適蒙忝來以翰墨見惠捧視再四不忍釋手真
得松雪翁之三昧者也什襲之餘敬成口號一
章聊表謝悰希發笑粲安平君文席

司馬恂

數幅生綃上多君筆意嘉想應毫殺兔驚見墨翻鴉
懷素真堪比張顛莫謾誇從今持去後傳譽滿京華

游楊花渡

倪謙

漢江古渡說楊花擇勝亭開傍水涯遙見征帆投極
浦忽聞鳴鴈起平沙隔林行竈燒松葉入坐春盤簇
蓼芽一別神京四千里寧知來此泊星槎

江上泛舟

冰泮春江水似苔緩移畫舫共傳杯纔經赤壁黃泥
坂又過瞿塘灩澦堆官署頻供瓊液至漁舟爭送錦

鱗來人生游樂寧多遇口角何爲不大閑

登喜雨亭

蒼松深處一亭幽
艤櫂來登豁醉

一云壯

昨渡口風波

何日定

一云生穿樹響

海門雪練幾時收

一云潮落帶水流

萬家村

墅連南浦百雉山城控上游
撫景浩懷拚一醉從教
蘿月映汀洲

慕華館席上口號畱別國中列相

春城珂馬曉駢闐
遠駐青山敞別筵
詩禮久承人好學
冠裳相並國多賢
歸心夜繞灤河月
離思晨衝漢水煙
此去深情倍追憶
錦囊珠玉况連篇

曉發遼陽聯句

自遼陽啓程至鴨綠江謂之東八站予與黃
門司馬先生使經乎此更相唱酬計得詩四
十二首聞中因併謄出用塵清覽仍望教焉
晴日輝輝映錦袍恂壯游策馬按弓刀一杯已盡郵
亭酒謙萬斛將乘瀚海艘六雪近凝東嶺白恂五雲
遙指北辰高明朝便隔華夷道謙宣布皇恩屬我
曹恂

遼左道中

倪謙

曉出高麗衝鳥道通一線人如螻蟻附路若螺螄援

積雪久未消踏碎瓊玉片回望遼陽城山罅時復見
諸公重別離杯酒互酬勸驅馳南關出縑綵東亭餞
往渡泚水遙何時奉顏面感激情意深行行感相念

頭關站山

蒼松爭偃蹇翠石競參差好景如圖畫分明是郭熙
其二

寒溪流水自潺湲路轉峰回鳥道間臘雪經春消不
盡馬頭面面對銀山

過東嶺

陟彼東嶺維路嶮巖若磨之還若階之躋爰有白雪

積在中野我馬踐之如此粲者夷焉則乘峻焉則下
涉彼湯河維氷堅凝若玉之明若砥之平爰有嘉魚
下維其宅曷爲取之亟就我食豈無旨酒慰此寒色

東嶺二章章十句

抵浪子山

我行離家將一月得見好山多賦詩今朝迤邐出遼
左風景逼人真最奇峻嶺登登如劒閣積雪光搖銀
錯落左盤右折巖竇間不知路自何時鑿陟嚙凍合
徑有氷下坂馬滑行復停打高之店攢古木頭關之
山橫翠屏戎旅鳴笳在前麓裂石穿雲振空谷玉龍

蜿蜒不飛去相送相迎爭起伏屯野遙看屋數椽地
沃夾山皆水田茲焉稅駕向何所垂韁飲馬湯河邊
渡河迢迢頻反顧落日已西天欲暮浪子村居且暫
投明發漫漫更由路

宿浪子山下人家

浪子山家古低簷草數層炕頭支木突架上爇糠燈
隔樹聞溪響開門看月升暫須畱一宿明去踏峻嶒
發浪子山十二韻

凌晨戎旅發弓箭總懸腰馬渡雙墩水人過獨木橋
雪華浮素練嵐氣展輕綃田黍根猶在林榛葉未彫

荒磧存舊轍曲徑有遺樵晴旭明金鎧嚴寒襲皂貂
背陰山翠律盤道嶺崔嶢屈折峰巒合崎嶇道路遙
井邢那可擬劒閣詎能超幽谷何深僻空村最寂寥
多聞藏虎豹惟見踏瓊瑤新寨行將近應期閱此宵

盤道嶺

石路崎嶇歷五盤始從山麓到山端鳴笳挾矢前驅
士立馬平原仰面看

宿新寨人家

新寨山家草屋陳柴門下馬犬迎人土床火足衾裯
暖一夜溫溫盎若春

其二

數間茆屋萬山中夜爇松明照眼紅
三丈土床通地暖不知門外捲霜風

發新寨

終朝策馬亂山中過盡千重復萬重
今日又登高嶺去盤盤踏雪度龍從

陟高嶺

揚鞭陟崇岡道峽何嶮巖緣崖若魚貫
屈曲勞攀躋上合千尺松下臨萬仞
谿藤梢射我眼棘刺鈎人衣嚴寒
冰雪深十步九滑蹄銜勒不敢縱
戰兢恒自持

况復有留翳橫什交路歧千金戒垂堂下馬夫奚疑
甲士掖我行氣喘足力疲將命向殊域苦辛安足辭

連山道中書所見

景物娛人有萬端眼前俱作畫圖看一株古木依蒼
石只欠扶疎竹幾竿

宿連山關

入夜簷前雪亂飛起看庭院路渾迷天公知我東關
出故散瓊花襯馬蹄

出東關

連山河面凍渾堅分水嶺頭高挿天今日離京已一

月計程猶未到江邊

絕句

晚行出東關去陟分水嶺被酒合眼行馬蹶忽驚醒

其二

昨夜雪三尺空山道路深寒風號草木疑是玉龍吟

其三

回風捲輕雪滿空飛玉塵飄蕭入襟領故欺行路人

其四

山木久不伐參天密似麻路從林下出低首避槎牙

其五

蔓草深沒馬重林高罨煙何當縱芻牧移近帝城

邊

其六

龍鳳山前路行行逐水潯前茅忽不見又已入深林

度分水嶺

侵曉行行度嶺東雪封亂石樹號風馬蹄踏盡崎嶇
路多在陰林冷壑中

龍鳳山

山站名龍鳳行經並馬雙將軍諳舊路感栗換新腔
萬壑爭趨海千巖直到江結營須掃雪開帳倒銀缸

龍鳳山下營

掃雪除荒下野營三軍燃火旦天明一聲鑼響三聲
砲幽壑深林鬼魅驚

行營曉發

結營負深林四野雪盡掃中堅建牙帳甲士夜環繞
半醉就枕眠虎褥藉芻藁衾寒不成寐已覺霜氣早
晨興理盥漱梳櫛徑指瓜飯罷復啓行鳴笳雪天曉
縷縷鬚凍堅冰稼盈樹梢連山列銀屏恍若在瑤島
途窮訝阻絕泉壑限幽杳迫視谿可通崎嶇入深窈
八度雪梨嶺巍巍挿雲表上如登青天下如墮玄沼

馬滑不可前跌我數次倒萬里仗
皇威仰賴天佑
保所幸無小傷庶足慰懷抱古云行路難豈宜專蜀
道前驅降平原逐鹿當茂草上殺充君庖發矢寧中
鏢

八度河嶺以東連度五嶺

亂山行過數千程耳畔不曾聞鳥鳴今日也知春氣
應深林時弄幾聲清

其二

一日行經五嶺東險艱歷盡路無窮平生惜未游南
奧疆域雖殊景諒同

草河口午飯

暫設行厨傍水頭
玉杯春酒薦嘉羞
將軍遙指關山口
此外相連是建州

鳳凰山

雪積陰寒草木間
路蹊高險強躋攀
須臾幾度升還下
歷盡千山與萬山

其二

一鞭征騎夕陽間
野甸荒蕪路幾彎
今夜相將何處宿
結營知傍鳳凰山

鳳凰山古城

皇華集

鳳凰山上有荒城黎庶何年此避兵
盛世昇平靜無警女墻崩敗石縱橫

開州站

曉過開州站平原馬似龍翠堆荆浩石蒼偃董源松
一水中流闊千山兩岸重皇恩天廣大薄海盡提封

過開州站六言

啄木鳥響深樹偃蓋松欹古田地暖漸消春雪山寒
淨鎖朝煙

其二

怪石臨溪欲墮流泉下瀨長鳴夾道草滿樹滿竟日
人行馬行

其三

路轉更沿深麓岸回復露遙岑野多夷使增竈峪有
土民斲參

其四

形勝何殊劒閣崖壁應同會稽不遇愚溪子厚寂寂
無人品題

其五

前山後山翠律千石萬石參差流水清溪繞處夕陽

皇華集

過客行時

其六

掛壁孤松偃蹇緣溪小徑高低雪上驚看虎迹樹頭
忽聽禽啼

湯站

野田平如掌荒蕪不計年只疑虞芮讓舉目盡閒田
湯站曉發

曉從湯站拔行營啓道金笳次第鳴度嶺生愁水鏡
滑繞谿還愛水琴清海東日色迎征騎天外霜華拂
去旌鳴綠春江忻已到遠人爭趲義州城

過鴨綠江

燕居無事因將沿道馬上口號次第錄出庶
追飽食終日而無用心之誚也

曾聞鴨綠水今日過江心斷岸千尋闊堅冰十丈深
善行東馬健能迓遠人欽異境分夷夏青山自古今

至義州

藩王千里迎 天詔特遣工曹老判書十隊旌麾環
甲騎一行簪笏曳朝裾揚言廡下音雖異稽顙階前
禮不疎華館筵開多海錯瓦盤銅筋削冰魚

義順館曉發

平明離義順東去入王都山徑連雲鑿松橋帶葉
鋪一程腰站短幾處野村孤馬首侏僂子音殊不受
呼

良策館

行投良策館結彩護重門拜詔人盈路開筵酒滿
樽竹籬遺制在臺笠古風存地榻然新火通宵寢室
溫

車輦館

鐵山車輦館薄午暫開樽管席平鋪地松亭正對門
笳聲迎日奏旗影逐風翻飯罷遵前陸軍行靜不喧

東林城

東林古城近海陬空壁無人麋鹿遊
甃石傾頽滿平地多少荆榛生上頭

同盧河

一徑新開丈八寬馬蹄行處土初乾
無端又渡同盧水激石清流漱玉寒

雲興館

郭山嶺下雲興館午宴初收復起程
臘雪盡消春日暖畬田野燒照人明

堂於嶺

皇華集

堂於嶺上彊躋攀小石稜稜大石頑躍馬直升高頂
望前程猶有萬重山

其二

並海漫漫道路長暫行平陸又崇岡連山山外還千
疊冷翠寒蕪幾夕陽

新安館

遠擎天詔海東宣行過山川路幾千敬謹可誇諸
郡事鞠躬迎詔石臺邊

獺川

新安候館平明發馳馬揚鞭振玉珂又渡獺川橋上

去晴虹百尺卧滄波

嘉山嶺

嘉山嶺何崔嵬峻峻翠石高成堆中有小徑一線開
十盤九折羊腸回我馬強馳上幾度加鞭催僕夫喘
息汗滿腮最喜風暖無纖埃仰凌絕頂騁遐矚極目
蒼松千萬栽安川之水匹練白浮空映日青山隈諒
非奉朝命此境胡爲來人生遠遊真壯哉伏櫪飽秣
嗟駑駘登高能賦我何有對景短章聊爾裁

發嘉平

我愛嘉平館正傍嘉山口長松翠成林鬱鬱環戶牖

郡事敬朝命拜詔頻頓首留我奉一飯張筵數巡酒
日吳躍馬去脩途厭奔走前瞻總崔嵬傍顧皆培塿
竟日萬山中韁策常在手髀肉漸覺消面色漬塵垢
博川與安川二水涉瓊玖薄暮入安興暫憇息雙肘

安興席上卻樂

安興華館盛張筵雲鬢霓裳列管絃姑射有神多綽
約廣寒無夢戀嬋娟剛風吹散陽臺雨烈日衝開洛
浦煙休遣聲華娛耳目此心元似廣平堅

發安興

長松落落鬱成林接葉交柯結晝陰駢馬直穿幽徑

裏不知蒼雪灑衣襟

至肅寧

安興晨發冒嵐煙怒馬如飛不用鞭
七十里程彈指到仰看紅日未中天

於坡嶺

九折於坡嶺脩途日駿奔吟詩懷謝朓
策馬念王尊幽徑鑿山骨古松盤石根
行經巖赤水沿遡欲尋源

平壤府

平壤漢玄菟包山建城郭居民夾城住
星散皆村落奉詔抵近郭出迎動鼓樂
龍亭覆黃繖儀仗高擎握

沿道陳百戲顛倒互觝角綵輿向前導搖曳爭歡躍
更有大字書旗旛半空卓上書何所云大平事耕鑿
鼇山兩相倚工巧勞結縛伶人競歌舞懽呼振寥廓
士女億萬計走視笑且愕借問此誰爲觀察使韓確
下馬入館門冠帶集僚幕再拜仍稽顙禮儀忻卒度
爲使期不辱眩謔非我樂但令海東涯常戴 皇恩
渥

大同江

大同江水闊凍合似鋪瓊迤邐遙通海縈回近繞城
不愁行處滑惟畏裂時聲涉岸皆平壤州名喜穩情

生陽館

爲愛生陽倚翠微
繞林梨樹密交加
芳春白雪枝枝滿
到我回時正着花

登黃州濟安樓

日斜來眺濟安樓
拂檻嵐光雨乍收
只把青山當城郭
萬家籬落繞黃州

望海

水色山光一望中
置身知在海之東
連天鼇背千尋出
圻地鯨波萬里通
謾說乘槎能犯斗
且須騎馬自迎風
平生八九吞雲夢
今日襟懷覺倍雄

登鳳山樓

卓午經過暫解鞍
鳳山樓上倚欄干
牧丹莫把輕吹放
爲報東風待我看

龍泉館

候館深依紫翠間
晚來塵土滿容顏
煩渠繞屋收帷幕
好放雙瞳看碧山

發龍泉

曉起天忽暝
遲明離瑞興
海峰猶有雪
石礪已無冰
鳥哢如迎客
松交似得朋
高山頻仰止
騎馬拂雲登

寶山館

行過安城又寶山軒窗隨處露煙鬟庭前最愛雙松
古月夜誰看白鸚還

發金巖遇雨雪

信馬徐行細雨中綠蓑過膝草蒙戎平生謾有江湖
興此日分明一釣翁

其二

雨餘散作雪繽紛山靄連空夔不分披得一蓑崖壑
裏馬頭衝破萬堆雲

過興義

萬壑雲煙失翠微飄飄密雪點征衣眼看半月春方

集
到何事漫空柳絮飛

開城府

開城舊王邑民物頗庶繁延袤秋石甃屹屹環重垣
鱗次列萬瓦櫺比開千門詔書甫及境羽衛如雲
屯老稚夾道觀士女就地蹲旌旗遠相接獵獵風中
翻萬里使三韓宣布朝廷尊

開城席上卻樂

朝鮮秉禮重朝廷遠命儀賓結宴迎五色翔鸞筵上
翥一行飛燕掌中輕陽城下蔡那能惑暮雨朝雲枉
自行肯惜春風花盡落燒燈傳盞有餘清

渡臨津

春早臨津冰已泮
畫船蕩槳橫中流
東君愛客多情致
共對青山泛酒甌

碧蹄曉發

路入王京夜氣寒
兩行紅炬照征鞍
青山過盡知多少
不得分明着眼看

右詩三十四首皆所以紀一時之實
吾於詞之工拙固未暇究
凡我館中諸君子毋惜見教
是所望也

竹堂詩

構得華堂萬竹間長歌淇澳對南山
簣簴谷暖湖州醉環珮聲清蔣詡閒
玉節雨滋鸚鵡綠錦繡風落鷓鴣斑
也知三徑多幽趣應許羊裘日往還

存養齋銘爲李承旨季甸作

維人有身從心所爲若有恒性是曰秉彝或拘於氣
或汨於欲匪存則亡匪養曷熟存之伊何必慎厥操
養之伊何不爲物撓當其未發哀樂喜怒戒謹恐懼
不聞不覩尸居龍見靜以事天動斯中節本真皎然
推致其極位育天地念茲在茲勿暴勿棄

迎曙驛松亭席上賦得小詩一章畱別都監諸

君子

幽亭低護萬株松亭上筵開對碧峰酒量不勝仍醴
泛膳羞常念繼殮饗離愁深似晝光暝歸興浩於春
意濃莫道參商便相隔海東天北會重逢

過開城道中馬上口號

憶昨乘酣來碧蹄馬頭迢迢還向西長空陰翳晚猶
合近接萬壑蒼煙低夜投公館醉復倦國王送酒
勞分携盤殮羅列不下嚙連嚼數顆含消梨更深燕
罷始就枕銀燭耿耿明中閨晨興命僕戒行李路指
原平諳舊蹊臨津江闊渡官艦桂檝劃碎青玻璃春

山花柳未肯放但見茸茸回青畦小橋悅耳急流響
高樹聒人幽鳥啼開城遙望倚石壁神居松岳連雲
齊入城街巷淨如掃走集瞻望紛羣黎郡堂何事重
開席玉壺青絲仍遠提當筵曾此卻女樂新詩尚記
燈前題終朝強飲惡沈酒德將恐爲狂藥迷千山萬
津始發輒明去歷歷思攀躋心忙底用坐以待且擁
重衾聽曉雞

謁箕子廟

鴻範敷陳發禹疇萬年聖學啓宗周肯因淪喪爲臣
僕甘忍佯狂作繫囚新廟松蘿常鬱鬱故宮禾黍自

油油我來拜謁頻增感遺化漸而遍海陬

謁箕子墓

昔周武王封殷太師箕子於朝鮮施八條之
教以治民逮今遺風尚存予與給事司馬先
生奉使道經平壤獲拜祠下明日路出城西
復獲展拜丘壠遂賦詩一章用伸景仰之意

云

太師埋玉此山深欲奠椒漿試一斟存祀應同微子
志安仁卽是比干心墓臺雲暖蒼松合翁仲春陰碧
蘚侵聞說東人崇報本歲時祠享望來歆

恂銜 命至朝鮮道經平壤拜謁箕子祠下館
伴府尹金君強恂賦詩恂以蕪陋無文辭之至
義州君復強不已遂掇拾數語以塞白

司馬恂

西周曾作帝王師封國遙居瀚海湄忠義肯同微子
去仁心惟有仲尼知一篇鴻範垂經訓千載朝鮮享
舊祠趨拜門墻儼如在徘徊竚立起遐思

孝女四月詩

倪謙

正閏并又九日路出郭山州道左見鉅石卓
然題曰孝女四月之門詢之則知爲金氏女

爲母患風氣疾截指療之而愈 藩王嘉之
命有司復其役而樹此以表其宅里者也夫
孝者百行之首萬善之原以一房闔少女猶
能踐之矧其士大夫乎予於是益知我朝
列聖教化之漸被者遠矣昔有齊季女嘗載
於召南茲予職當咨諏善道可無一言以記
詠之乎因用錄似同行諸公倘惠和答亦足
以成東方之美也

朝鮮郭山州有女金四月少小性純誠孝奉雙親悅
一朝母嬰患風痺氣累絕皇皇女心憂悲痛恒哽咽

醫云用人肉食之病良輟女聞親可延寧計體虧折
揮刀入中閨斷指流鮮血燒灰進湯劑一飲真消雪
至孝通神明感致何昭晰始知帝降衷不以華夷別
藩王表宅里豈必施棹楔千年永不磨刻石名高揭
滄江殞曹娥生歿同一轍嗟彼梟獍徒欲熾天理滅
我來觀民風過此忻駐節載採入歌詠庶足傳賢烈
茲感冬曹詩韻見贈卽席奉次勿哂爲幸

奇才何必夢刀州列相功名指日收華翰揮時風雨
落天機奪處鬼神愁綵絲合補雙龍袞妙手宜修五
鳳樓回到 皇京倍相憶梯航越海肯來不

適承冬曹鄭相公以唐律見遺不揣輒用韻答
重蒙過愛有勞賡詠茲復次韻奉酬以見投桃
報李之意云爾

行過名城數十州安興駐節暮霞收春風惜未傳花
信薩水忻能洗客愁碧樹回瞻箕子廟春山斜對仲
宣樓鴨江明日憐分手肯向樽前痛飲不

承和鄙句步韻奉答

平生從善喜如登萬斛雄襟陋斗升詞藻縱橫奇勝
錦材源傾瀉浩逾澠應誇大筆能扛鼎殊媿蕪言總
鏤冰霄漢蜚英須早致侯邦重任豈難勝

賦得近體一章畱別京尹金相公

義順征騷且暫停
長途離思正冥冥
交情縈繞應難別
進酒畱連未易醒
柳色乍回今日綠
山容還露舊時青
忽聞江上驪歌發
一曲驚心不忍聽

賦得近體一章畱別泛翁知院賢契

聚首東藩一月餘
情孚道合有誰如
喜諧音律吟詩句
好問形聲較韻書
季札朝周材不忝
由余在楚國寧虛
別來尺素須頻寄
可信人間足鯉魚

畱別之句不工次韻之章何速賡以答之固其宜也

春仲纔臨越閨餘江頭餞別酒漣如筵開不雜玲瓏
調詩就何須阿買書馬蹄蹴踏諳歸路鴈字聯翩點
太虛襟度久知多磊落肯從爾雅註虫魚

賦得近體一章畱別謹甫知院賢契

海上相逢卽故知燕閒談笑每移時同盟擬結金蘭
契共飲偏憐玉樹姿敢謂楊雄多識字雅奇子羽善
修辭不堪判袂臨江渚勒馬東風怨別離

勞賡鄙句賦此爲答深情雅意備見言外

離愁脉脉兩心知常念驅馳送我時入室芝蘭薰令
德昂霄松栢負奇姿情如馬誓無窮水詩似曹娥絕

妙辭別後堪憐誰作伴山花冉冉草離離

二月三日鳴綠江次設祖飲餞燕罷卽渡西岸
別去會合方殷遽爾睽隔情可勝乎錢唐倪謙
稿奉離別伴送諸相

新相知勝舊相知江浦分携屬此時冰泮早聞增水
響春回先已變林姿嘉言合比瓊華贈別詠堪慚玉
珮辭從此海邦霑惠澤聖明天子在重離

辱賦古辭爲別輒步嚴韻奉答言雖不工情實
厚也錢唐倪謙稿奉叔舟知院賢契

滄江浩浩今水不揚波青春將半今惠風暢和君別

我去今高陽歸我別君往今灤河湄素書可將今母
金玉爾音白駒杳邈今多遐心藩邦接武今馳令望
誰誰丹鳳今鳴高崗後會未知今悵脩期之渺茫

漢江游記

去朝鮮城南十里而遠有水曰漢江自金剛五臺二
山發源合流以入于海臨水有樓則漢江樓也時景
泰初元後正月十有四日工曹判書鄭君麟趾漢城
府尹金君何邀予及黃門司馬先生往游焉乃乘馬
自南城出知院申君叔舟成君三問暨都官諸公偕
往迤邐道山蹊村野間日垂午始至樓上國王預

遣左副承旨李君季甸禮曹判書許君詡設宴以迓
倚檻縱觀江山之勝俱在几席酒旣行予卽席賦詩
三章都監先製華扁以俟索予書所賦詩畱于樓予
以不善書辭之酒半漢城起曰有小舟繫樓下盍一
登以游乎予卽命撤席步登舟中舟聯三艦爲之中
建小軒覆之以茅下可坐六七人設坐榻頗高予曰
江山如此反爲簷角所障曷以豁吾目乎命易以低
榻洗盞更酌乃緣崖遡流而上不數里返樓下護軍
梅君佑曰月已升矣遂陟岸上馬歸閱二日工曹漢
城復相顧曰去城西南十五里而遠有渡曰楊花渡

蓋各道餽餉所達之道也渡口有翠石容數畝壁立
於澁上多蒼髯古松若高冠劒士雜立相向據此可
以極目力之所至盍一游乎予復與黃門偕往比至
國王預遣都承旨李君思哲兵曹判書閔君伸設行
幕逆於道左下馬入幕啜茗罷步升石巔據險倚松
皆縛木爲欄以防傾仆中供張甚盛憑欄望之風帆
沙艇出沒於島嶼間隔岸多良疇村居密比遠山層
疊若翠屏環列長風從海門來飄飄吹衣浩然有破
萬里浪意真快觀也少焉就坐酒數巡工曹曰惜無
吹洞簫之客以侑觴予曰雖無絲竹一觴一詠足以

暢叙幽情衆皆一笑有漁人網得錦鱗來獻尾撥刺
動盤中亟命烹之俄頃漢城復請登舟遂步降平麓
乘輜抵水濱衆已緣崖而下先至舟中矣登舟趺坐
酒行無筭乃沿流而下兩腋蕩槳時時水濺面上士
女奔走聚觀岸上者以千數黃門曰何爲其然也漢
城曰遠人欲一試風景故爾已而漢城遙指松林告
曰此中有亭曰喜雨亭孝寧君之別墅也亦可一游
又相與捨舟遵陸步至亭下國王已送酒至復開
筵浮白飲之倏風烈雲暝水波汨濶松濤號撼有
聲予曰日已晡而雨將至矣盍歸乎來遂起乘輜歸

比至館夜漏下數刻矣嗟夫地必因人而勝故山陰之蘭亭使無右軍不過茂林脩竹而已黃州之赤壁使無東坡不過高山大江而已惡能以名後世乎顧余何敢竊比王蘇然世殊境異而興意所到則一也可無述哉且人生會合不常而佳境亦難多遇矧朝鮮越在海表雖有此人此境孰能與之會遇乎今予謬承朝命得以暫與諸君子游歌於此不數日別去欲繼斯游固不可得而斯地復欲予輩一賞又可得乎予用是筆之以識不忘時一展觀則會遇之樂宛然常在目也不亦可乎雖然登覽山川紀其風土

亦使職之當然也苟以爲徒事宴游則非知我者矣
旣游之明日十有逾七記賜進士及第翰林侍講朝
鮮正使前國史編修錢唐倪謙書于大平館之東室

狎鷗亭記

朝鮮王城之南十數里有水曰漢江其源出自金剛
五臺二山而會爲長江西流以入於海余昔奉 詔
使其國嘗至江上登樓讌詠又放舟江中泝沿爲樂
見有涯岸弘闊波濤浩渺風帆往來沙鳥上下襟懷
軒豁景趣無窮恍若置身滄浪漢沔之間而忘其身
之寓於東方也別來數載每遐想江臯風致未嘗不

神俱往也天順改元之冬朝鮮吏曹判書韓公明澮承其國命來陳封事公舊闢別墅於漢江之浹構亭其間而未之名也以余嘗駐節經遊知其勝槩倅來問名於余因屬言以記余爲名之曰狎鷗而復之曰鷗水鳥之閒者也滅沒江海之中飛翔洲嶼之上非人可畜之物也而胡爲能狎之乎然色斯舉矣翔而後集鳥之見幾者如此故海翁朝之海上鷗之至者以百數以其無幾也及欲取而玩之乃舞而不下以其幾動也惟無幾心則鷗自相親而可狎矣公長身玉立儀度秀偉仕於藩國著甄別公明之才使於

天朝謹服順敬畏之禮則還國也柄用方隆何暇鷗
之狎乎不知萬物之情必無幾心而後相感萬事之
理必無幾心而後相成不可使有一毫私意寓焉幾
心誠無矣則立於朝也人莫不樂與之親登斯亭也
鷗莫不閒與之狎若富貴利祿固將漠然無繫於已
斯非造道之高者乎亭以是名蓋亦宜也昔宋韓魏
忠獻公亦嘗以亭名狎鷗歐陽文忠公贈詩有曰險
夷一節如金石勲德俱高映古今豈止忘幾鷗鳥信
陶勻萬物本無心忠獻得詩喜曰永叔知我夷夏雖
不同而人心則同古今雖有異而吾道不異余之所

望於公者殆亦若是未知公之心謂余爲能知否儻
以爲知則幸以斯言揭諸亭中以爲記 天順二年
龍集戊寅春正月旣望賜進士及第翰林院學士奉
議大夫前左春坊大學士通政使司左叅議經筵講
官志史館總裁錢唐倪謙記

皇華集卷之一

皇華集卷之二編目

天順元年丁丑頒復位詔使一

正翰林院修撰陳鑑

副太常博士高閏

遠接使戶曹判書朴元亨

序

欽惟 皇帝應天順人再撫瑤圖大誥中外與天
下更始一視同仁罔間內外於是翰林陳公太常
高公使來于我勅諭丁寧錫賚稠重我 殿下感
天子之德重使命之大凡所待遇悉敬以禮二公
實儒林高選文章巨擘也榮奉 芝綸來使外國
道途亭館之間人物接遇之際隨有所感必寓吟
嘯形諸賦詠不一而足珠玉璀璨盈于卷軸流輝
騰彩和氣藹藹提封萬里山川草木亦與榮焉使
事旣完旋車言邁我 殿下命臣擘曰今 皇上

再膺天命復正 皇儲基祚益鞏實蒼生之福四
海之慶况茲 聖諭諄切偏荷 寵靈其感激之
意汝等所知若欲仰答 皇恩之萬一唯在盡誠
敬以待兩公而兩公終不可得畱公去而所不去
者公之文章也今雖播人耳目久必湮沒其令書
局哀集以印以傳永久俾吾東人有所矜式亦有
以知中原文獻之美也遂 命臣摯序其篇首臣
竊惟詩之道大矣詩者人心之感物而形於言之
餘也心之所感既不能無邪正故言之所形亦不
能無是非惟聖人在上則人皆親被其化以成其

德有以得其性情之正故其所感而發於言者粹
然無不出於正矣觀乎三百篇則可知已欽惟我
皇明君臨萬邦列聖相承重熙累洽治教休明
羣賢濟濟布列中外其人材之盛雖周雅作成之
美蔑以加矣今二公稟氣清純際世休明得學問
之正成譽髦之美位陞通顯承明詔使遠邦以
布德音邦人小大感慶懽呼旣下車之三日親謁
聖廟瞻禮旣訖揖學官招諸生相與講論吟哦賦
詠以發其性情之蘊其語和而莊其義寬而密信
乎治世之音安以樂者雖然以二公生質之美學

問之正若不遇隆平之世又何以鳴大雅之盛乎
至其因物寓懷精確事理揄揚振厲之旨經緯錯
綜之趣則無非所以形容 盛代泰和之隆也噫
二公之詩其形於言而極其和平者雖自乎性情
之正原其所感之正則莫非 聖朝積累浸漬陶
範化成之效也詩可以觀詎不信夫吾東方邈在
海外世受 皇恩深仁厚澤淪肌浹骨今 聖天
子乃眷東顧尤勤撫綏所賜之勅至曰共享太平
此尤一國君臣感激驚惶之無已也我 殿下拳
拳裒集咳唾之餘思欲印傳永久與國人共之者

則悅二公文雅之美而尤有感於 聖天子寵綏
之德之深無所不用其極之意也天順元年蒼龍
丁丑夏六月下澣正憲大夫吏曹判書集賢殿大
提學知春秋館事臣權孳謹序

皇華集卷之二

喜晴賦

昔蘇子嘗作喜雨亭記余來朝鮮欲作此賦
或曰蘇喜雨而子喜晴無乃蘇公而子私乎
余曰雨暘燠寒風各以時至所謂時者不先
不後不多不寡之謂且雨過則淫不及則旱
旱而雨固爲可喜淫而晴獨非可喜乎而况
當久雨新晴之際正賢王出郊迎詔之
時國中之人無貴賤無小大莫不欣喜若獨
何爲而弗喜邪或者語塞予遂捉筆而賦之

天順初元歲在丁丑 皇王復辟覃施九有遐方疏
俗殊隣絕黨皆所不外矧朝鮮爲東藩重國禮義之
區詩書之藪故特爲之稱首焉廼發 綸音出廷授
以翰林臣鑑爲正使而以太常臣閏爲之副禮意旣
勤賚予斯厚於是陞辭東行歌皇華馳駟牡詎肯顧
瞻而齋客徘徊而宿畱也由通川道漁陽遡石門望
燕山想飛仙於無終度輕舟於平灤訝天橋之峭拔
覩巨浸之瀾漫載馳載驅匪逸以安垢弗暇澣飢不
能餐挹蘆峰之輕霏越山海之重關始經高嶺抵前
屯歷沙河而于邁鄉寧遠而咨詢連山杏山小凌大

凌是皆未暇枚舉而縷陳者也瞻醫巫閭入廣寧路
總戎懇畱一宿而去四易館舍接比海州羌遼河之
澎湃與天壤而沉浮湫淥沸景駭響震砰磅訇磕
鬼泣神愁誠遼西之天塹亦宇內之洪楸也登首山
睇遼陽山川拱揖崖岫低昂塞徼亭隧所以避敵而
鈔寇者旣完且固檠弧箕服所以引強而蹶張者旣
習且良此又朝家之屏翰大藩之金湯也迤邐東
南探巖排碕靡地匪山靡山匪奇軋沕荒忽下臨無
地殺函院陜曾不容車跽蹠輟謁而心悸窮極倦執
而神疲塵麈衝斥醇駟虺虺間履夷陸惟決莽之壘

豈膏腴沃衍之區哉惟鴨綠一水韎韐其源千里而南洪濤如奔經是江而縈匯趨瀛海而歸根朝鮮以茲爲界義州寔俯其濱由是而行皆盤互之山無廣平之原矣朝攀莫躋晝行夜隙韁轡在手人馬辟易火雲張空雨汗交脊吾方劬於行役彼何爲兮道途之絡繹也發義順抵良策當林畔而假館望雲興而太息蓋又未暇探幽選奇傷今感昔者矣竭來新安偶旅嘉平逾博清兩川始達安興辭肅寧安定而底乎西京又不知其爲幾程也至生陽而氣逾溽慨黃州兮無竹想鳳山兮鳴鳥臨劒水兮濯足睇龍泉之

秀發入安城而托宿聽簷聲之四垂殆不復嚮時之
朝旭矣憶昔京師爰方啓行陽宗載和景風寥泠萬
物在照衆鳥哢晴迢遙至是凡爲日五旬虛一其爲
里三千有羸曉出清明山高水平莫止陰凝靈雨其
零征夫僦僦兮就道百穀欣欣兮仰成各從心兮滿
欲誠隨物兮賦形匪禱而然豈智而能此雖元符不
足以爲瑞巫咸不能用其靈矣胡爲乎王京之伊邇
迺雲蒸而霧橫月畢斯離垤鸛斯鳴豈商羊之爲孽
羌鳩婦之厭聽天何方兮罅漏日何道兮流行麥秋
已登而欲穫農夫欲訴而無聲繇寶山越閬城馳青

郊兮躑躅望東坡兮矜嶢人欲前而屢却馬欲邁而
復停山蔽樹沒川增谷盈聲如怒濤勢若建瓴經馬
山而稍緩底碧蹄兮肆傾明當迓明詔宣聖情
遐氓何由乎覩盛事王心何由乎底厥寧矢將殲
河伯殪玄冥召屏翳攝六丁掃陰霾縱陽精叩泰元
祈媪神以達吾悃誠焉予方軟枕假寐驛庭夷官走
報且喜且驚向予拜言神降嘉生日華西照虹蜺東
呈是惟厥明霽景之徵焉予乃起觀五采橫亘下聯
屬乎地軸上維持乎天運如彼仙橋玉欄金楯匪公
遠而霓裳可觀靡鳥鵲而女牛可近嗚呼奇哉誠天

道之不遠也薄晚載瞻星稀月皎五夜以興煌煌庭
燎至慕華樓王迂于道南薰飄飄白日皜皜萬騎
如雲百戲呈巧觀者塞途攜幼扶老而靡不歡欣舞
蹈焉噫噫噓有是哉盼嚮昭孚必有司衡於蒼昊者
而旋乾轉坤達幽窮宙又豈無感召之者乎僉曰惟
天使之賢奉命之專天使曰惡此奚其言是惟
王心之乾乾所以祇皇度來協氣而儲祥委祉者
有以軫乎天耳王曰不然皇仁恤遠動罔厥愆
是有通乎上玄盖不假列著布卦而後傳者也予嘉
賢王之好謙能敷惠於黎黔知推本乎尊嚴乃將吟

皇朝集
髯濡兔尖揮灑乎湘縑以明文德之東漸也是歲夏
六月乙未肅賜進士及第翰林國史脩譔儒林郎兼
經筵講官古吳陳鑑緝熙撰

次韻

寶文閣提學金守溫

賦者敷陳其事古詩之流也詩之不足則
作賦以盡其意焉翰林陳公之來使也隨
其所遇形於篇什動盈卷軸間賦喜晴流
麗動盪渾涵演迤以抒其不盡之意要其
歸將以叙道途之經由述原隰之咨詢勤
王事而喜禮成彬彬文雅之盛歟僕竊不

自揆敢依高韻掇拾以請教昔左太冲撰
三都賦覃思十載始克成篇僕謏聞陋學
且成於率爾誠不足觀雖然公爲王人故
重於宣命而爲之喜晴僕鄙人也伏覩
皇恩之罔極慕公之德艷公之才惜公之
去而不可留也立賦之旨雖同遣辭之意
則異謹錄以爲行贐惟公之恕狂僭其詞

曰

鳳曆紀元蒼龍建丑子虛子過烏有相與出入乎
百代周流乎六合宇宙爲室廬四海爲林藪御汗

漫而浮遊登崑崙而矯首三光運於捭闔胡越在
於指授子虛子乃屬烏有子而告之曰嗚呼噫戲
古今一馬也天地一指也包犧齧缺氏之前邈乎
不可議也三五以降載籍具存或賢或否果孰上
而孰副天心仁愛豈此薄而彼厚然而治不常治
亂不常亂紛乎不齊罔有紀極孰能泛文瀾之輕
舟駕藝苑之四牡馳騁上下爲我揚摧而不畱也
哉烏有子曰吁夫子所謂見秋毫而失輿薪睹拳
石而矇泰山者也今我 皇明定鼎燕雲控扼幽
灤幅員萬里澶澶漫漫外薄四海物阜民安寒者

煖衣飢者飽餐山行水宿不復設關是謂乾坤交
泰萬物亨而不屯者也與其撫縹帙而尚論曷若
從當世而是詢不於目擊而致信將於耳聽以實
陳是豈非大野之騎無所止宿而率天下而路也
於是子虛子猶然以笑欲與烏有而共去鑽龜兆
以觀禎遂凌厲乎九州謁太儀而造旬始今繽羣
靈以與浮攬雲霓爲衣裳兮羌馬鳴兮僕愁俯三
山如積蘇兮黃河耿耿一流濯余髮於咸池晞扶
桑之朝陽歛闔歛闢一低一昂蓐收欣欣以告余
兮子苟脩姱以信良何必翩翩其高舉兮徒沐芳

今蘭湯於是按節超遙陟險歷碕挹王霸之盛烈
覽都邑之環竒循冀野而容與今覩土宇之脩直
雖使夸父逐日以健步今蓋不可一二而已覺其
疲矣爾其醫閭聳其鎮黃河蕩其源居庸巔屬千
里衝奔是乃天地之奧區燕趙之柢根也烏有子
乃俯而吁仰而嘆曰於赫 皇明應天順人光造
丕業恢皇圖稽帝文建都於此宅中圖治普天之
下率土之濱踰踰顙顙輻輳於中原制作文物之
懿郁郁泯泯其崇罔極其密無隙是乃觀百王之
會通歷萬世而不易譬衆澮之趨海若筋絡之附

脊雖使五帝迭興無以加施三王復起不能更繹
禮樂明法度著垂徽猷建長策煙火萬里民物蕃
息致治之盛超軼古昔銷鋒鏑以爲鋤耨擾攘頑
以興太平南北一徼東西一揆重譯梯航執贄于
京莫不稽顙受我章程朱厓朔漠殊邦絕域亦莫
不置吏分竹敷心腹制手足昆蟲之微草木之細
蒙雨露而得棲宿寒暑調其四時日月明於昏旭
雖然自古聖天子之臨大寶也不事虛文唯德之
行民或執熱濯以清泠世或陰暄示以明晴是以
一視同仁之化罔有內外當厚徃而薄來必齊乏

而扶羸理道由是而煥赫四海以之而隆平不必
窮兵黷武如漢帝噬臍於大宛之城不必破斧缺
斨如周公東征於濛雨之零且吾聞上下同功君
臣相成易曰雲從龍風從虎水流濕火就燥聖人
作而萬物覩氣機之感初不得以隔形此自然而
然非有待於智能也是故上有明天子下必有賢
諸侯歲事來辟以朝于王錫之秬鬯示我寵靈睠
茲有國號曰朝鮮渤海漲南長白北橫延袤千里
表裏山河國富兵強先萬國鳴俗尚禮義聰明視
聽君有君德士有士行等威隆殺以明上下咸英

韶濩以和其聲襟抱之固湯池金城溝塍之達行
不鈴弊其人心之淳風化之美宣聖之所欲居箕
子之所畱停重惟國祖當高麗之季主昏臣暴
穢德貫盈寇盜搶攘干戈蝟起百戰摧陷高屋之
瓴生民賴以奠枕國勢從而丕傾於是膺天命順
人情化家爲國四境清寧登崇俊良退斥頑冥旌
忠伐諛封干戮丁調五氣攝三精蓋撫民必欲吾
仁而格天必以吾之誠也稱藩內附請命帝庭
天子乃嘉且喜而驚世承寵眷以保民生今
王嗣履摠忠奮赤時節土物王府之呈惟天眷命

惟德是徵錫賚便蕃絡繹連桓嗚呼噫嘻其遭大
平慶會之熙運也歟星使聿來王郊于迓兵衛
森列畫戟雕楯皇恩覃霑霑藹汪濊隕越稽首
天威至近小心畏天至仁綏遠帝德廣運如天
地之恢恢王誠純至如日星之皎皎從此而泰
階平玉燭調鳳于岡麟于郊以成泰和雍熙之盛
功正猶鴻毛之赴燎也子虛子曰子信識皇明
大朝之盛而知東國王德之賢矣然天道不言
而品物亨者五行之吏宣其氣矣王者不言而萬
邦寧者專對之臣宣其道矣今夫翰林陳公太常

高子文章之美節義之高江漢之濯秋陽之皜摛
藻掇英馳奇騁巧詞林之幹文苑之老匪規矩則
莫由必禮法之是蹈是猶鳳凰芝草生於大庭景
星慶雲麗於晴昊是宜爲千里鹿鳴九重赴召者
也當文明之世以二子之賢奉綸綍於海邦將
使命之獨專杖皇華節傳天子言震動山岳旋
幹坤乾以敷皇上至仁大澤於普天者不其宜
乎當使還前席之時達王心之誠敬侯度之罔
愆俾東邦永荷皇靈以及曾玄繼繼繩繩以至
千萬世而永傳矣烏有子曰諾遂與揖讓周旋搗

謙歎孔席之不煖慨墨突之不黔雲馭啓行鳴騶
載嚴老栢奮髯海山露尖曉雲拖縑望行塵今不
可及但見巖石之漸漸

六月謁箕子也周封箕子于朝鮮而不臣之東
人尊之爲始祖而世享厥祀焉 陳鑑

余來朝鮮將還京師道過平壤府首謁箕子
于齊宮旣又誦諸先輩傑作不覺內愧蕪陋
之學不能贊一辭於其間也乃誦所嘗記憶
古詩語綴而成篇以薄旌景仰之私耳觀者
亦諒余志焉

維此六月我來自東適子之館今曷不肅雍
彼君子兮商之孫子王之蓋臣其德靡悔
咨爾殷商歛怨以爲德小大近喪曷其有極
國步斯頻其何能淑不殄心憂進退維谷
是用大諫聽我囂囂威儀卒迷勞心忉忉
假哉天命乃眷西顧多我遘瘠則不我助
維此聖人黽勉求之民之秉彝其誰知之
先民有言有物有則以矢其音古訓是式
肅肅王命保彼東方我客戾止至于海邦
遂荒大東萬民是若順彼長道俾民稼穡

享祀不忒匪今斯今寢成孔安以慰其心
高山仰止其詩孔碩神之聽之亦不夷宰

六月十二章章四句

謁廟辭

高閏

武王克商封箕子於朝鮮先儒謂其傳道則
可仕則不可萬世之公論也敬掇拾爲辭以
致景仰之意其辭曰

丁丑之歲季夏之時枉朝鮮之駕求箕子之祠焚香
下拜佇立觀碑方紂之不辟肉林酒池嚴刑侈服象
箸玉杯縱妲己之欲賜雷開之珠鋸刀爲鈍雄劒爲

雌魚目混珍丹砂爲泥資藁是佩蘭茝則非仁不可
化義不可持知不能入禮不能拘比干諫死微子去
之操剖劓而莫用舍規矩而焉施佯狂被髮受辱同
危仁者之志君子之爲及周之受命奄有萬國雖釋
其囚曷爲其僕雖被其封罔食其粟道爲師法授聖
聞龜又立民命三綱五常臣職君柄日月星辰休咎
感應徵用惡極勸用福慶禹疇復明治道其盛美不
合於一人幸有功於萬世生而尊榮沒而存祀雲山
嵯峨風水流逝春雨秋霜猿聲鶴唳韶恂悅其興懷
跪陳詞而掩涕王事驅馳天涯歸去喟興亡之係

人長矯首其慕乎忠義

孝女金四月辭

陳鑑

郭山郡道傍有石表題曰孝女四月之門乃
郡之民金氏女斷指以療母疾 藩王樹之
以旌其孝者也予憐其志抒之以辭雖不能
如高愍女之碑之必傳然讀斯文者亦足以
知孝女之心矣

吁嗟孝女兮婉且孌萃和毓秀兮凝其全匪由學問
今啓其天孝發于中兮身可捐見之有身兮母所遣
母離二豎兮子能醫母亡見在今將焉依兒死母存

今母當有見金刀在手兮銛其鋒但知有母兮焉知其躬一揮俄爾兮落春蔥紛紛血墜兮衣裳紅杯羹甫進兮母心悅喜曾不逾時兮母疾以起於戲天道兮不遐甚邇昭茲在上兮何彼此 藩王立石兮表里門風聲斯樹兮浮還淳道傍一見兮心神欣爰秉直筆兮爲斯文吁嗟孝女兮良足珍帚箕諱語兮噫何人何人帚箕諱語兮噫何人

義順館卻妓

公館筵開炫綺羅遠勞萬舞送清歌也知美玉終無玷却任行雲浪自多鐵石剛腸堅已定松筠高節耿

皇華集
難磨縱教風雨敲門急魯國其如男子何

有勞遠接累沐盛筵席間偶成近體詩一首用
致謝臆云耳希領其意焉戶曹判書朴相公閣

下

遠勞千里到江邊華館重煩肆綺筵當代文風輕漢
武古來詩禮說朝鮮君才自是離羣鶴我學真如杜
撰禪珍重能承王意厚一篇題贈寫瑤牋

次韻

戶曹判書朴元亨

天上文星照海邊喜迎

丹詔特開筵高懷已見

冰壺瑩麗句還驚錦繡鮮自信心腸堅似鐵不妨

尊酒醉逃禪陽春古調真難和把筆長吟擘彩牋
五月十九日寔老母三百六旬又六甲子初度
之辰遠道不能奉觴稱壽於膝下情不可但已
也途中偶成七言近體詩一首錄似求和惟不

恹幸幸

陳鑑

去歲萱堂壽六旬徧求詩什慶良辰途中細憶渾如
昨夢裏曾回却未真會向殿前朝聖主便歸膝下
拜慈親懸知新婦稱觴處應指天涯說遠人

次韻

朴元亨

慈闈奉別已經旬况復生辰在此辰陟岵詩成多

客恨望雲心切見天真金閨待詔偏承寵駟馬
歸鄉更顯親造次不違忠與孝前身疑是穎封人
昨見朴賢相所和陳內翰佳什令人駭然因抽
筆賦五十六字美之并錄偶成者三首似教

高閨

山蠶作繭香膩牋中山兔走紛雲煙宮錦春籠碧紗
艷芙蓉曉出清波鮮高才如此能華國冠集雕蟬服
溪谷鳳凰飛下得梧桐歸去嚙將獻黃屋

右缺

無端雲雨下陽臺分付清風卽送回明月不知誰作

伴桃枝空自淚交腮
齏鹽滋味何曾厭
鐵石心腸詎可灰
已見名藩珍重意
從今佳宴莫教來

右卻妓

熒熒雙使星
適向東北行
異域倏已到
回望九重城
天龍御雲車
中道紅日明
仙韶因風發
九德揚清聲
夙駕欲歸轅
王事苦靡寧
一日千萬思
聊以酌巨觥

右思君吟

雲渺渺兮月蒼蒼
望故鄉兮路茫茫
白髮今在高堂
孫何爲兮驅馳遠方

右思親詞

次韻

朴元亨

落筆龍蛇走華牋五彩郁郁霏祥煙詩壇豪氣壓
曹劉吐出天葩色更鮮賤子何幸登龍門有似嚶
嚶出幽谷已見先生間世才柱石行將扶厦屋
紫鳳銜書下玉臺遠人爭看首重回關山雲白飄
輕練驛路梅黃折嫩腮詩酒百年須盡意賢愚萬
古等成灰日長孤館渾無事莫怪朝雲入夢來
龍飛五位正星輶萬里行梯航通異域玉帛朝
皇城衣冠瞻肅穆文物仰休明先生才獨步藉甚

蜚英聲歸來矢德音咨詢不敢寧客懷無以慰我
欲稱兕觥

煙波浩浩兮雲山蒼路阻且脩兮心渺茫故鄉日
遠兮夢繞萱堂王事有程兮在天一方

偶於屏間見荷花雙鷺感而有作錄奉一觀尚
希和教

陳鑑

雙雙屬玉似相親出水紅蓮更逼真名播頌聲緣有
客愛從周後豈無人遠觀自可祛煩暑並立何曾染
俗塵料得丹青知此意絕勝鵝鴨惱比隣

次韻

朴元亨

皇華集
水鄉花鳥邈難親
筆下移來巧奪真
茁茁初開如欲語
鷺鷥閒立不驚人
淤泥淨色元無染
冰雪高標迥脫塵
玉署儒仙看不厭
清儀馨德與相隣

登萬景樓

陳鑑

萬景樓高凌紫氛
渡頭人鬧隔城聞
胸吞雲夢殊同調
手摘星辰擬共分
嵐氣近簷飛滴滴
山光入水去泫泫
宦情羈思都忘却
倚徧危欄到夕曛

其二

獨上高樓望
帝畿滿空涼
靄濕征衣萬株松檜迷
青嶂四面城闔俯
翠微人向山頭騎
犢去僧從渡口

化糧歸五雲翹首知何處潮落清川白鳥飛

余奉使命至此 國王遣其賢佐朴君輩設華
宴遙迎酒酣散去乃登斯樓悵然有作用錄于
左以著其拙云

高 閏

獨上危梯思渺茫千山萬壑樹蒼蒼雲煙影裏樓臺
見鼓角聲中睥睨光人去人來皆戴笠潮生潮落每
通航 聖明化被衣冠國登覽無教寡和章

肅寧館白芍藥

陳 鑑

紛紛紅紫總飄殘獨對薰風雪作團數朶猶含春淚
濕一叢未遣夜芳闌廣陵舊說金圍帶東土今誇白

玉盤可是東君有深意冰魂畱取遠來看

次韻

朴元亨

芍藥畱春尚未殘尋芳蛺蝶戲成團清香滿院風
光轉嫩蘂含煙曉色闌好向詞人誇玉質不須華
屋薦金盤只緣冰雪肌膚冷更觸炎曦盡日看

喜雨拙作寫似朴賢相

高 閏

老龍吹雨洗塵埃知是 皇家有詔來千里不曾行
騎濕一詩無奈片雲催青山綠水寒光動白叟黃童
笑眼開寄語藩邦調鼎者何妨日日共啣杯

次韻

朴元亨

久憂南畝漲黃埃靈雨今隨使節來漢詔十行寬
澤霈商霖萬里好風催潮生渡口新波綠雲過山
顏活畫開料得今年應大有賓筵端合醉千杯

大同江亭子船

高 閏

上國頒明詔遐方接近臣畫船斜渡遠高宴淺斟頻
岸柳和煙暗江花帶雨新眼看題詠者俱是濟川人

其二

不用紅粧用畫船棹歌聲裏酒杯傳青山直到江邊
盡兩岸風吹楊柳煙

渡大同江席上一首并嘗作飛龍吟一首錄求

割正

陳鑑

天書曉出大同城送客樓船渡口橫綠水青山堪入
畫閒花野草不知名華筵要遣遲遲飲桂棹先教緩
緩行肯爲畱連淹使節一鞭又逐馬蹄輕

右渡大同江

龍之潛兮重淵龍之飛兮九天方天矯兮直上俄需
澤兮八埏雲從龍兮龍所主龍乘雲兮雨下土雲辭
龍兮來東方龍之命兮澤藩邦去龍兮已遠思從龍
兮心不能忘心不能忘今日未晚會當悠揚兮隨風
長返雲何止兮行踪成華盖兮覆龍宮龍顧雲兮爾

歸爾終焉兮我從飛龍飛龍兮千秋萬歲雲乎從龍
兮永矢不替

右飛龍吟臣思君也不敢指言之婉其辭以
寓眷眷不忘之意亦詩之比體也

登黃州廣遠樓

馬蹄踏入白雲堆突兀層樓向此開遠近有田耕稻
秣尋常無地着塵埃峰頭日落鳥初靜松頂雲歸鶴
未來千古登臨同感慨題詩深媿仲宣才

登鳳山環翠樓

翠微深處倚彫甍四面山多不計層斜日流輝明渤

皇華集
解老松分綠上觚稜清風欲跨青鸞馭却暑何須玉
碗冰翹首帝鄉歸未得雲梯纔下又重登

題鳳山驛樓

高 閏

是年丁丑五月廿六日奉命至此登樓題
以傳意耳

命僕移枕席悠然憇茲樓浮雲與落日晻曖在山頭
綠槐帶清蔭啼鳥如有求好風自南來轉覺欄檻幽
言詠遂成詩有酒當暫留王事今靡盬我行詎能
休

沿途承陪綺席茲已將闌偶成一律賞答

千金置饌一筵鋪馥馥龍涎裊寶爐笑把紫霞傾琥
珀醉挈如意擊珊瑚謝家標致人希見王氏高風眼
底無誰道鹿鳴歌有德任他紅粉倚流蘇

次韻

朴元亨

日斜賓榻錦茵鋪手自拈香炷獸爐軟語從容霏
玉屑清標瀟洒映珊瑚右軍神筆古來少吏部宏
詞天下無若比高才爲伯仲詩家誰復說三蘇

適渡臨津重承舟中雅酌小詩言謝深媿不工
薄旌下懷云耳

陳鑑

曉持使節到江頭東道邀賓坐綵舟時雨有情如送

我青山無處不凝眸酒當好景難辭醉詩何知音弗
住謳多幸 皇明文化遠異方相遇總儒流

次韻

朴元亨

細雨和煙暗渡頭長風穩送木蘭舟興來佳句題
千首醉裏昏花眩兩眸關吏折腰迎漢節篙師倚
棹唱吳謳要知我國尊 王意請看朝宗衮衮流

臨津渡

高 閏

細雨臨津渡煙波勢欲浮百艘嚼尾過數騎到江休
美饌烹鮮膾香醪酌巨甌前程 王事急分付莫淹
畱

戲咏酸酒

未曾到口已攢眉春釀經時忽變醞惟有主人知此
味傳杯弄盞半醺雞

嘲熟鵝有生狀

長頸鳥何不鳴湯婆試剪偷霜翎空空腹內豈有物
小小胸中無點腥昂頭撐翊如欲鬪不知身勢全非
生却憶春風曾得意芳草斜陽蔭深樹右軍一字直
千金幾番不使輕籠去于今零落在人前不與常有
苦爭氣主人若作一杯羹骨髓中藏調鼎味

鄙吝投贈薄旌下懷意拙辭膚專祈和教領議

政相公閣下

陳鑑

翰林常說鄭工曹詩語驚人意氣豪白髮蒼顏成老
大金章紫綬秉勻陶久知著述文章妙更喜升騰地
位高此日碧蹄欣一見清風不媿史官褒

次韻

領議政鄭麟趾

天上文星記下曹吟來句句轉清豪筆嫌俗體那
追晉詩匪坡仙詎和陶野笛村謳聲苦噪陽春白
雪調何高使華勸進鰕生厚今日叨承一字褒

再用韻答盛意

陳鑑

狂情漫漶笑吾曹海外如君一代豪席上談論猶謬

謬醉中情性亦陶陶經書自媿研窮少詩句誰如格
調高慨想英標出輿論豈云求媚假虛褒

次韻

鄭麟趾

當世斯文寄我曹玉堂學士儘英豪謾拈毛穎慙
欺頴每畫葫蘆愧效陶平昔自多行潦滿如今景
仰泰山高持衡便可分涇渭秉筆何辭示貶褒

早謁宣聖廟有作并讌集明倫堂一首錄呈同
席諸君子希和教幸幸

陳鑑

凌晨齋潔拜彤墀數仞墻高未易窺近向此時追上
古直從中國到邊夷開來繼往初何自振玉聲金更

皇華集
有誰況是我朝文教遠也應無地不宗師

其二

謁罷先師集講堂英英衿佩喜成行詩書總被文明
化尊酒相酬翰墨場雲護庭松陰正綠果傳壇杏味
偏香一時良會誠難得千載斯文有耿光

高閏

泰山數千仞上與浮雪齊我曾此登眺俯瞰眇羣黎
昊天無階級欲上將何爲巍巍孔夫子其道與之俱
日月臨下土雨露涵無私游夏雖云美豈能贊一辭
猗蘭生路傍萬古帝王師中國旣敦化海外亦被茲

濟濟衣冠俗日夕惟書詩適承聖君命夙駕飄然
來叶呂支反豺獺祭魚獸此心安可欺昔者愧不學今日
徒追思杏壇教尚存木鐸聲未希焚香再三拜矯首
風淒其

其二

奎壁雲開聚五星主人好禮似東平不緣杯酒添佳
興自是斯文有舊情松栢森森經雨潤峰巒矗矗帶
嵐晴日斜分手瞻夫子數仞壇高藹頌聲

次韻

朴元亨

曉陪星使立前墀鑽仰多慚似管窺吾道元來無

彼此斯文端不限華夷學僊詩律知應獨驚坐名
聲問又誰一揖清風堪北面緒言畱作海東師

冠佩雍容揖上堂坐論今古示周行平生學業真
無負餘事文章更擅場共擬賈生才調遠爭知司
馬姓名香題詩又頌同文化從此芹宮別有光

右次

正使

尼丘秀氣鍾德與皇王齊昭昭六經訓萬古開烝
黎斯文不墜地秦火何能爲祠廟遍九土永與天
壤俱春秋勤舍萊庶欲酬恩私方今重儒素異端
黜淫辭文風日以振宵旰念在茲藹藹多吉士遠

配周王詩所以儒林傑聯翩奉使來誦詩能專對
聖訓不我欺清晨謁文廟瞻望生遐思作詩寓微
意賢聖乃所希孜孜鑽仰志捨此將何其

皇華此日拜明靈耿耿尊師一片情 聖代太常

稽典禮少年廊廟擬公卿已從先哲傳心久且向
當時以道鳴堂下粉袍如堵立喜聞函丈笑談聲

右次
副使

禮曹叅判盧叔全

內翰承 綸下玉墀高才詎可管中窺 九重恩
詔懷殊俗萬里車書混四夷家法子昂傳有自使

皇華集
華殷侑繼伊誰東來此日聲名大一揖清芬是我師

天上僊人白玉堂珊瑚鳴珮遶鵷行篇三百詠詩
無敵斗十千傾酒幾場使節遠傳金檢煥錦袍猶
惹御爐香偶然投我瓊瑤什明月暉暉照夜光

右次
正使

巍巍我宣聖德與天地齊六經揭日月萬古開黔
黎鑽仰何高堅欲從不可爲一脉不墜地穹壤相
與俱文教久東漸皇天其我私絃歌藹鄒魯禮義
皆文辭千秋尊廟祀衣冠咸在茲左右儼邊豆佩

服兼書詩皇皇天上使駕彼於焉來孔聖昔欲居
此語誰能欺我生千載下尚想空遐思泰山何嵩
嵩景仰安可希三復謁聖詞長夜今何其
陪侍皇華謁廟靈從容禮法見真情詩書旣已尊
吾道事業終期到列卿妙句堪驚金地擲疎才自
媿瓦雷鳴由來根本斯文地更有流傳萬古聲

副使

禮曹判書洪允成

星使嚼綸下赤墀高懷雅量孰能窺畏天侯度
追前古字小皇恩洽四夷當代文風無與比似

公才調更伊誰頒 明詔外先何事首入芹宮謁

聖師

使華文彩照中堂庭簇青衿胄子行已喜聲名驚
海外從教博洽擅詞場橋門大慰儒林望衣袖猶
薰禁掖香半日從容陪笑語自慚庸劣近輝光

右次

正使

議政府左贊成申叔舟

聖皇撫瑤圖寰宇回虞唐詞臣輟近班萬里來還
荒文星照析木玉節何輝煌肅穆傳 綸命丁寧
布恩光吾 王重 聖眷感激所未嘗違顏正咫

尺萬歲呼華封宣命已畢事聯壁謁素王從容禮
諸生不鄙微詞章清論敦詩書落筆驚琳琅泰山
與北斗景仰傾東方陪遊縱無幾高義終難忘東
人傳盛事千載應流芳

已下各用別韻

其二

昵奉明綸出帝鄉君臣蹈舞拜龍光從容典
禮頒周誥齋沐衣冠謁孔墻撫字皇恩深雨露
清高使節覩鸞凰吾王喜感無前昔千載東韓
嚮慕長

兼成均司成金鈞

皇華集卷之二
大統歸熙運多方仰一人體元敷至德際地需深
仁捧日傾葵悃推恩及海濱九重宣雨露五色降
絲綸 詔誥丁寧至君臣蹈舞均三韓傳億載萬
姓祝千春况接朝中彥真爲席上珍鸞鳳敷瑞彩
山斗挹清塵皎潔胸襟澈從容禮貌純讀書探性
理吐句戛韶句謁廟尊先聖論經覺後民衣冠瞻
肅穆典則示精淳勝迹畱青社回旂向紫宸東人
欽慕處夜夜望星辰

兼成均司成金 末

聖神天子御明堂特遣詞臣 詔遠方一札十行

均雨露周情孔思擅文章三韓荷寵曾無比雙壁
聯輝別有光首入泮宮尊聖學已知吾道更輝煌

左承旨曹錫門

曆數復有歸四方會皇極文教東漸海梯航連玉
帛有美天子使煌煌秉玉節萬里傳明詔渙
汗布聖澤君臣競蹈舞銘骨懷感激兩公儒林彥
文雅曠今昔慇懃謁文廟星芒動師席從容示周
行東人爭拭目墻高窺數仞遺響想金玉斯文曾
未喪吾道更輝赫菁莪育海隅百世宗聖學公歸
有餘芬永言歌旱麓

皇華集卷之二

古承百曹殿門



